



CONCELLO DE VIGO
Secretaría de Goberno Local

D^a. PATRICIA RODRIGUEZ CALVIÑO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na sesión ordinaria do **3 de xullo de 2026**, adoptou o seguinte acordo:

5.- ADDENDA AO CONVENIO DE COLABORACIÓN COA “ASOCIACIÓN MISIÓN DEL SILENCIO” PARA A ATENCIÓN DAS PERSOAS DERIVADAS POLOS SERVIZOS SOCIAIS MUNICIPAIS AO COMEDOR “VIRGEN DE LOURDES”: 2025-2028. EXPTE. 280280/301.

Visto o informe de fiscalización do 23/06/2026, sométese a aprobación o informe-proposta do 26/05/2026, asinado polo xefe de Área de Benestar Social, o asesor xurídico adxunto a Benestar Social, e conformado pola concelleira da Área de Goberno e polo concelleiro da Área de Goberno de Orzamentos e Facenda, que di o seguinte:

I. INFORME

I.1. A «Asociación Misión del Silencio» é unha institución privada relixiosa fundada en 1974 que conta na nosa cidade cun comedor social na rúa Urzáiz nº 39 (“Comedor social Virgen de Lourdes”), en funcionamento desde hai moitos anos. Dispón de 44 prazas autorizadas pola Xunta de Galicia e atende nel a persoas e familias en situación de grave vulnerabilidade social.

I.2. O Concello de Vigo é coñecedor da existencia dun colectivo de persoas en situación de emerxencia social que seguen a ter a necesidade de acudir a este tipo de recursos para poder subsistir nunhas condicións minimamente dignas, sendo complementarios dos recursos propios dos servizos sociais municipais como, por exemplo, o comedor social do Albergue – CIIES da rúa Marqués de Valterra.

I.3. O 25.06.2025 foi asinado polas partes o «CONVENIO DE COLABORACIÓN ENTRE A CONCELLERÍA DE POLÍTICA SOCIAL DO CONCELLO DE VIGO E A “ASOCIACIÓN MISIÓN DEL SILENCIO” PARA A ATENCIÓN DAS PERSOAS DERIVADAS POLOS SERVIZOS SOCIAIS MUNICIPAIS Ó COMEDOR “VIRGEN DE LOURDES” (2025–2028)», aprobado previamente na sesión ordinaria da Xunta de Goberno Local do 20.06.2025 (Exp. nº 280280/301).

I.4. Na súa Estipulación Terceira estableceuse o seguinte:

«O Concello de Vigo, pola súa parte, comprométese a conceder directamente á «Asociación Misión del Silencio» unha subvención para cada un dos catro exercicios (2025-2028) por importe máximo de 80.000€/ano; en total, polo periodo de vixencia do Convenio: 320.000€. O gasto correspondente a 2025 imputarase á aplicación orzamentaria nº 2310.489.00.14 – “Convenio Misioneros del Silencio”. As achegas correspondentes a futuros exercicios (2026-2028) estarán condicionadas ó cumprimento dos obxectivos propostos e á existencia de crédito adecuado e suficiente nos correspondentes orzamentos municipais.

A contía anual da subvención prevista calculouse de forma obxectiva e con base nas previsións da propia Asociación, acordándose polas partes que a achega municipal fose a razón de 1,50€/menú; que

representaría, aproximadamente, un 25% do custo das comidas servidas ás persoas derivadas polos servizos sociais municipais...».

I.5. A fin de incrementar a achega municipal ó financiamento dos menús dos comedores sociais na mesma medida que se fixo xa con outras entidades coas que tamén se manteñen convenios de colaboración desta natureza (p.ex. Fundación Casa de Caridad de Vigo – Hogar S. José: Comedor “La Esperanza”), pasando dese 1,50€/menú a 1,75€/menú e mantendo o máximo dos 80.000 € previstos na aplicación orzamentaria nº 2310.489.00.14, resulta preciso proceder á modificación daquela Estipulación do Convenio.

I.6. Polo anteriormente exposto, xustifícase a necesidade e conveniencia de aprobar, co contido indicado, unha *Addenda* para os anos 2026, 2027 e 2028 do Convenio de colaboración coa «Asociación Misión del Silencio», que afecta exclusivamente á súa Estipulación Terceira.

I.7. De acordo co previsto na súa Estipulación Décimo primeira: *«Calquera alteración do contido deste Convenio precisará do acordo das partes asinantes e da autorización municipal do órgano competente e se intrumentará mediante a correspondente Addenda».*

I.8. Tal como se recollía expresamente na proposta de Convenio coa «Asociación Misión del Silencio» aprobada pola XGL o 20.06.2025, a concesión desta subvención (nominativa) abeirase tanto na lexislación sectorial en materia de servizos sociais como na Disposición adicional 4ª da L.5/2014, do 27 de maio, do Parlamento de Galicia, de medidas urxentes derivadas da entrada en vigor da LRSAL, na que se indica que as competencias que deberían asumir a Admón. da CA en materia de servizos sociais *«continuarán sendo prestadas polos municipios mentres non se dean as condicións previstas para o seu traspaso na normativa básica e, en particular, o establecemento do novo sistema de financiamento autonómico e das facendas locais previsto nela»* e que *«non se entenderá como exercicio de novas competencias»*, entre outras, a continuidade na prestación dos servizos xa establecidos e da actividade de fomento e a formalización de convenios de colaboración de concesión de subvencións (Art. 3.3.).

I.9. Toda vez que ten transcendencia económica, antes da súa aprobación polo órgano competente (XGL), esta *Addenda* deberá ser sometida a informe preceptivo de fiscalización previa pola Intervención xeral municipal (Art. 214 TRLRFL e Base nº 40.3).

I.10. Como queira que os compromisos económicos asumidos en virtude deste Convenio modificado pola *Addenda* en cuestión non superan os 600.000€, non será necesaria a súa remisión electrónica ó Tribunal de Contas ou ó órgano externo de fiscalización da Comunidade Autónoma, sen prexuízo das facultades que teñen legalmente atribuídas para reclamar cantos datos, documentos e antecedentes estimen pertinentes (Art. 53 LRXSP), como así se recollía xa no Convenio aprobado o 21.05.2021.

I.11. A competencia para aprobar a *Addenda* ó precitado Convenio correspóndelle á Xunta de Goberno Local, por proposta da Concelleira da Área de goberno de Política Social e Participación Cidadá, de acordo co Art. 127 da LRBRL e coas Resolucións da Alcaldía – Presidencia de estruturación dos servizos corporativos do Concello de Vigo e delegación de competencias, xenéricas e específicas, nos/as concelleiros/as (2023-2027) e, en particular, coa Resolución do 25.09.2025 de delegación de competencias na Área de Goberno de Política Social e Participación Cidadá (BOPPO n.º 186, do 30.09.2025) e coa Resolución do 20.06.2023, de delegacións xenéricas en concelleiros/as de Área de goberno e concelleiros/as delegados/as (BOPPO n.º 124, do 28.06.2023; Apdo. Primeiro, j).

I.12. A súa sinatura corresponde ó Alcalde – Presidente da Corporación (Arts. 124.4.a] LRBRL e 61.1.a] LALGA) e, por delegación súa, á Concelleira da Área de goberno de Política Social e Participación Cidadá (Resolución da Alcaldía – Presidencia do 20.06.2023, de delegación de



CONCELLO DE VIGO
Secretaría de Goberno Local

competencias xenéricas en concelleiros de Área de goberno e concelleiros delegados; Apdo. Primeiro, Pto. j); BOPPO nº 124, do 28.06.2023 e Base nº 40.2).

I.13. O preceptivo informe xurídico (Base nº 40.3 das de execución do orzamento xeral) dáse por evacuado nos termos contidos no presente informe-proposta, redactado e asinado polo Asesor xurídico adxunto á Xefatura de Benestar social (Resolución Concelleiro delegado da Área de Xestión municipal do 07.02.2013).

II. PROPOSTA DE ACORDO

En consecuencia, visto o que antecede e a normativa aplicable, propónse á Xunta de Goberno Local, previo informe de fiscalización da Intervención xeral municipal, a adopción do seguinte,

«ACORDO

PRIMEIRO.- Prestar aprobación á *ADDENDA* ó «CONVENIO DE COLABORACIÓN ENTRE A CONCELLERÍA DE POLÍTICA SOCIAL DO CONCELLO DE VIGO E A “ASOCIACIÓN MISIÓN DEL SILENCIO” PARA A ATENCIÓN DAS PERSOAS DERIVADAS POLOS SERVIZOS SOCIAIS MUNICIPAIS Ó COMEDOR “VIRGEN DE LOURDES” (2025–2028)» para os exercicios de 2026, 2027 e 2028, co texto que a seguir se transcribe.

SEGUNDO.- Esta Addenda non supón modificación da achega máxima anual (80.000€/ano: aplicación orzamentaria nº 2310.489.00.14 - “Convenio Misioneros del Silencio”) xa aprobada pola Xunta de Goberno local o 20.06.2025 (Exp. nº 280280/301; trámite nº 35), variando unicamente a contía do financiamento municipal do prezo dos menús deste comedor social, que pasa de 1,50€/menú a 1,75€/menú.

TERCEIRO.- Publicar este acordo no “Portal da Transparencia e Bo Goberno” do Concello de Vigo (<http://transparencia.vigo.org>) e remitir a información precisa á Base de Datos Nacional de Subvencións (BDNS)».

Non obstante, a Xunta de Goberno Local adoptará o acordo que estime mais conveniente para os intereses municipais.

ACORDO

A Xunta de Goberno local aproba a proposta contida no precedente informe.

ADDENDA Ó «CONVENIO DE COLABORACIÓN ENTRE A CONCELLERÍA DE POLÍTICA SOCIAL DO CONCELLO DE VIGO E A “ASOCIACIÓN MISIÓN DEL SILENCIO” PARA A ATENCIÓN DAS PERSOAS DERIVADAS POLOS SERVIZOS SOCIAIS MUNICIPAIS Ó COMEDOR “VIRGEN DE LOURDES” (2025–2028)

En Vigo, na data da sinatura electrónica

COMPARECEN

Dunha parte,

A Concelleira da Área de goberno de Política Social e Participación cidadá do Concello de Vigo, D^a Yolanda Aguiar Castro, asistida pola Secretaria de Goberno local.

Doutra parte,

D.^a M.^a Guadalupe Egido Pérez, Presidenta da «Asociación Misión del Silencio», con DNI nº [REDACTED] e enderezo para os efectos de notificación na rúa Urzáiz nº 39 de Vigo.

INTERVEÑEN

D^a. Yolanda Aguiar Castro, na súa condición de Concelleira da Área de goberno de Política Social e Participación cidadá do Concello de Vigo, de acordo coas Resolucións da Alcaldía – Presidencia de estruturación dos servizos corporativos do Concello de Vigo e delegación de competencias, xenéricas e específicas, nos/as concelleiros/as (2023-2027), na Resolución do 25.09.2025 de delegación de competencias na Área de Goberno de Política Social e Participación Cidadá (BOPPO n.º 186, do 30.09.2025) e na Resolución do 20.06.2023, de delegacións xenéricas en concelleiros/as de Área de goberno e concelleiros/as delegados/as (BOPPO n.º 124, do 28.06.2023; Apdo. Primeiro, j).

D^a M^a Guadalupe Egido Pérez, actuando en representación da «Asociación Misión del Silencio» (CIF R3600388G), segundo así resulta dos seus Estatutos e da demais documentación achegada, asegurando a comparecente que tales facultades non lle foron revogadas.

A Secretaria de Goberno local, ós meros efectos de asistencia á Sra. Concelleira e dación da fe pública no outorgamento do presente documento.

As comparecentes, no concepto en que interveñen, recoñécense recíprocamente a lexitimación e a capacidade legal necesaria para o outorgamento e formalización da presente *Addenda* e, como antecedentes e motivación deste acordo de vontades,

EXPOÑEN

I. O 25.06.2025 foi asinado polas partes o «CONVENIO DE COLABORACIÓN ENTRE A CONCELLERÍA DE POLÍTICA SOCIAL DO CONCELLO DE VIGO E A “ASOCIACIÓN MISIÓN DEL SILENCIO” PARA A ATENCIÓN DAS PERSOAS DERIVADAS POLOS SERVIZOS SOCIAIS MUNICIPAIS Ó COMEDOR “VIRGEN DE LOURDES” (2025–2028)», aprobado previamente na sesión ordinaria da Xunta de Goberno Local do 20.06.2025 (Exp. nº 280280/301).

II. O obxecto dese Convenio de colaboración era a regulación dos termos da concesión da subvención directa prevista nominativamente nos orzamentos xerais do Concello de Vigo a favor da «Asociación Misión del Silencio» para a atención das persoas derivadas polos servizos sociais municipais ó comedor social “Virgen de Lourdes”, situado na rúa Urzáiz nº 39 de Vigo, contribuíndo ó seu normal funcionamento e dotando ós servizos prestados pola Asociación da necesaria estabilidade que lle permitise seguir atendendo ás necesidades básicas de alimentación das persoas e familias usuarias. O comedor dispón de 44 prazas autorizadas pola Xunta de Galicia e atende nel a persoas e familias en situación de grave vulnerabilidade social.

III. Na súa Estipulación Terceira estableceuse o seguinte:

«O Concello de Vigo, pola súa parte, comprométese a conceder directamente á «Asociación Misión del Silencio» unha subvención para cada un dos catro exercicios (2025-2028) por importe máximo de 80.000€/ano; en total, polo periodo de vixencia do Convenio: 320.000€. O gasto correspondente a 2025 imputarase á aplicación orzamentaria nº 2310.489.00.14 – “Convenio Misioneros del Silencio”. As achegas correspondentes a futuros exercicios (2026-2028) estarán condicionadas ó cumprimento dos obxectivos propostos e á existencia de crédito adecuado e suficiente nos correspondentes orzamentos municipais.



CONCELLO DE VIGO
Secretaría de Goberno Local

A contía anual da subvención prevista calculouse de forma obxectiva e con base nas previsións da propia Asociación, acordándose polas partes que a achega municipal fose a razón de 1,50€/menú; que representaría, aproximadamente, un 25% do custo das comidas servidas ás persoas derivadas polos servizos sociais municipais...».

IV. A fin de incrementar a achega municipal ó financiamento dos menús dos comedores sociais na mesma medida que se fixo xa con outras entidades coas que tamén se manteñen convenios de colaboración desta natureza (p.ex. Fundación Casa de Caridad de Vigo – Hogar S. José: Comedor “La Esperanza”), pasando dese 1,50€/menú a 1,75€/menú e mantendo o máximo dos 80.000 € previstos na aplicación orzamentaria nº 2310.489.00.14, resulta preciso proceder, mediante esta *Addenda*, á modificación daquela Estipulación do Convenio.

V. En efecto, a teor do previsto na súa Estipulación Décimo primeira: «*Calquera alteración do contido deste Convenio precisará do acordo das partes asinantes e da autorización municipal do órgano competente e se instrumentará mediante a correspondente Addenda*».

Tendo en conta o anteriormente exposto as partes,

ACORDAN

«PRIMEIRO: Modificar a Estipulación Terceira do «CONVENIO DE COLABORACIÓN ENTRE A CONCELLERÍA DE POLÍTICA SOCIAL DO CONCELLO DE VIGO E A “ASOCIACIÓN MISIÓN DEL SILENCIO” PARA A ATENCIÓN DAS PERSOAS DERIVADAS POLOS SERVIZOS SOCIAIS MUNICIPAIS Ó COMEDOR “VIRGEN DE LOURDES” (2025–2028)», que quedará coa seguinte redacción:

«O Concello de Vigo, pola súa parte, comprométese a conceder directamente á «Asociación Misión del Silencio» unha subvención para cada un dos catro exercicios (2025-2028) por importe máximo de 80.000€/ano; en total, polo periodo de vixencia do Convenio: 320.000€. O gasto correspondente a 2025 imputarase á aplicación orzamentaria nº 2310.489.00.14 – “Convenio Misioneros del Silencio”. As achegas correspondentes a futuros exercicios (2026-2028) estarán condicionadas ó cumprimento dos obxectivos propostos e á existencia de crédito adecuado e suficiente nos correspondentes orzamentos municipais.

A contía anual da subvención prevista calculouse de forma obxectiva e con base nas previsións da propia Asociación, acordándose polas partes que a achega municipal fose, para as anualidades de 2026, 2027 e 2028 a razón de 1,75€/menú; que representaría, aproximadamente, un 25% do custo das comidas servidas ás persoas derivadas polos servizos sociais municipais».

SEGUNDO: O réxime de pagamentos será semellante ó establecido na Estipulación Quinta do Convenio subscrito o 25.06.2025 entre a Concellería de Política Social e a «Asociación Misión del Silencio», pagándose o 50% (40.000€) logo da asinatura da *Addenda* e previa presentación do proxecto para o exercicio en curso e a Memoria anual completa do exercicio anterior e o 50% restante (40.000€) unha vez xustificadas os gastos realizados ata o 1 de novembro dos exercicios de 2026, 2027 e 2028. Para poder realizar o pagamento anticipado previsto será necesario que a entidade presente unha declaración responsable de que non está incurso en ningunha das prohibicións e/ou circunstancias indicadas no Art. 34.4 pfo. 3º da L.38/2003, do 17 de novembro, xeral de subvencións, como impeditivas para a realización de pagamentos anticipados a beneficiarios de subvencións.

TERCEIRO: A presente *Addenda* estará en vigor durante a vixencia que resta do Convenio».

E en proba de conformidade, as partes asinan esta *Addenda*, por duplicado exemplar, na data expresada no encabezamento, de todo o que eu, como Secretaria de Goberno local, dou fe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.

O ALCALDE,

Abel Caballero Álvarez.